

永順縣志卷十五

縣人 文 琴 張 孔 修 編 纂

職官二

○○土司

唐

彭城江西吉水人父輔為懿宗朝進士仕至金紫光祿大夫生子五彬珏璋玕城因楊行

密與黃巢戰兄弟皆流散時馬殷據湖南城至依之以功授辰州刺史永順司 宗譜後徙上

溪州加檢校司徒梁開平太祖 年號四年吳敖駢圍赤石城調所部征之被執不屈闔門遇

害楚 紀為永順土司之祖李氏 縣志

後梁

彭士愁

案銅柱記舊五代史十國春秋均作士愁通鑑楚紀作彥晞而湖南通志謂通鑑作仕愁十國春秋作仕然者誤也至於新五代史及元馬端臨文獻通考作士然明王圻續通考作自然湖南城之子開平四年為溪州刺史 永順司 宗譜授靜邊都指揮使

永順縣志 卷十五 職官志 土司

晉封上柱國隴西縣開國男楚 紀天福高祖 年號四年率錦獎諸蠻攻澧州楚王馬希範遣劉

勅劉全明等以步卒五千擊之士愁大敗勅等攻溪州士愁走獎州遣其子師曷率諸

蠻酋降於勅希範乃立銅柱為表命學士李臯銘之新五代史 楚世家士愁以長子師裕次子

師曷分領其眾故師裕為永順司祖師曷為保靖司祖保靖司 家乘

案永順司宗譜載其祖一世彭雲二世彭世臣三世彭侗生輔輔生五子其四子玕

以功封安定王玕卒弟城襲爵生子彥晞名士愁又名士然保靖司家乘載彭輔為

懿宗朝進士仕至金紫光祿大夫生子彬珏璋他書 作璋玕城五人為楊行密之戰皆流

散玕歿於楚宋史 劉沆傳云彭玕江西牙將也據州自稱太守以兵屬劉景洪欲脅

玕族之荆南謁高李興不見禮遂之湖南彭玕刺全州辟為判官不取焉楚王馬希範娶玕之

女欲寵姻戚任城以顯官城生彥晞改名士然自置刺史以長子師裕次子師曷分

領其眾云云是永順司祖始於師裕而縣志所載蓋探源之論非實錄也

後周

彭師裕

銅柱題名刻作師裕而湖南通志又誤作師谷

士愁長子嘗充溪州副使三亭縣令

銅柱題名顯德三年

龔任溪州刺史

永順司宗譜

宋

彭允林師裕長子

永順司宗譜

乾德元年

太祖號為溪州刺史三年詔充五溪團練使刻印以賜

之

宋史西南溪峒諸蠻傳

案宋史載乾德元年

原作建隆四年改太祖紀建隆止三年傳誤作四年今更正

知溪州彭允林前溪州刺史田

洪贊列狀歸順詔以允林

府志誤作允殊

為溪州刺史洪贊為萬州刺史是允林已於乾德

初知溪州史有明文可據乃永順司宗譜於師裕之卒也則書曰開寶

亦太祖年號

二年

於允林之任也則書曰開寶四年改開寶年號在建隆後知其所紀者不確今本正

史更正之又乾德四年史云下溪州刺史田思遷貢銅鼓虎皮麝膺夫彭氏世為溪

州刺史二田氏胡得列名於中意即史所謂親黨之當立者與

彭師皎允林子允林卒以師皎代為刺史

宋史諸蠻傳

永順縣志

卷十五

職官志

土司

二

案永順司宗譜不列師皎名今據宋史補入但龔任年月訖不可攷

彭允殊師裕次子

永順司宗譜

太平興國

太宗年號

三年允殊上言刺史舊三年則為州所易望朝

廷禁止賜敕書安撫之咸平

宗真年號

二年以允殊為右牽牛衛將軍致仕以其姪文勇為

刺史

宋史諸蠻傳

案宋史帝紀太平興國八年八月溪錦絨富四州蠻來附攷是時溪州未叛何云來

附附記於斯以俟知者又諸蠻傳載真宗時有溪州團練使彭允足義軍都指揮使

彭允賢意為允林允殊兄弟與

彭文勇允林長子

永順司宗譜

咸平二年任

宋史諸蠻傳

案宋史載咸平三年有上溪州刺史彭文慶景德

亦真宗年號

元年有溪峒團練使彭文

綰文慶文綰意皆文勇兄弟與

彭儒猛文勇長子龔任

永順司宗譜

景德元年辰州諸蠻來攻儒猛擊走之擒酋首以獻詔賜

儒猛錦袍銀帶儒猛自陳母老願被恩典特加封邑天禧

亦真宗年號

二年詔以儒猛子仕

漢為殿直留西京後輒遁歸天聖仁宗年號初儒猛言仕漢逃歸誘羣蠻為亂遣別子仕端

等殺之朝廷嘉其忠降詔獎諭時儒猛為尚書右僕射特遷左僕射宋史諸蠻傳

案宋史史方傳云彭仕漢寇辰州殺巡檢王文慶方勒兵入谿洞討捕據此則仕漢

逃歸為亂洵屬不誣

彭仕端儒猛次子天聖初仕端既殺仕漢朝廷嘉其忠以為檢校國子祭酒知涪州加賜

鹽三百斤綵三十匹五年儒猛死仕端以名馬來獻詔還其馬命知下溪原作涪州賜以

袍帶七年遂以其弟仕義貢方物帝紀云天聖七年明道亦仁宗初仕端死宋史諸蠻傳

案永順司宗譜不載仕端為刺史而傳有自允殊至仕義五世語數之恰合故補之

彭仕義儒猛季子永順司宗譜明道初為下溪州刺史累遷檢校尚書右僕射仕義有子師寶

皇祐亦仁宗年號二年知上溪州其妻為仕義取去師寶忿恚至和亦仁宗年號二年與其子知

龍賜州師黨舉族趨辰州帝紀云至和二年龍賜州彭師黨以其族來歸告其父之惡且言仕義常殺誓下十

三州將奪其符印并有其地貢奉賜予悉專之自號如意大王補置官屬將起為亂於

永順縣志 卷十五 職官志 土司

是知辰州宋守信與通判賈師熊轉運使李肅之合議率兵數千深入討伐以師寶為

鄉導兵至而仕義遁入他峒不可得俘其孥及銅柱而官軍戰死者十六七守信等皆

坐貶自是蠻獠數入寇抄邊吏不能制朝廷姑欲無事遣吏諭旨許以改過自歸裁損

五七州貢奉歲賜初輒不聽後遣三司副使李參文思副使竇舜卿侍御史朱處約轉

運使王綽經制大出兵臨之且馳檄招諭而仕義乃陳本無反狀其僭稱號補官屬特

遠人不知中國禮義而然守信等輕信師寶之譖擅伐無辜願以二十州地復奉貢內

屬朝廷又遣殿中丞雷簡夫往視之嘉祐亦仁宗年號二年仕義乃歸所掠兵丁五十一人

械甲千八百九事率蠻眾七百飲血就降帝紀作嘉祐三年辰州亦還其孥及銅柱師

寶已死遣師黨歸知龍賜州戒勿殺自是仕義歲奉職貢然黠驚數盜邊即辰州界白

馬崖下喏溪案宋史地理志沅州有若溪崇寧三年置黃凱芷江縣志以為縣西北有

其說略同均誤甚故通志辨之曰方輿紀要以宋至和中溪州蠻彭仕義寇辰州所據之

辰州府沅陵縣西北百二十里源出永順縣西南流入西水為北江仕義所據白馬崖

下喏溪大抵即今沅陵縣北百二十里之白崖界山為近若沅州之若溪皆則是今芷江

縣地沅州志所謂若水之右是也沅州在宋史謂之南江與北江遠不相涉况若喏字別不能牽附沅州府志辨之甚詳孔修且以上文已明言辰州界矣其非沅州屬地更不待

言聚眾據守朝廷數招諭令歸侵地不聽熙寧三年神宗年號帝紀亦云熙寧三年帝紀亦云熙寧三年為其子師

綵所弒宋史諸蠻傳○府志誤弒為殺

案彭仕義僭號稱王補置官屬其勢力之鴟張微論江南北諸州被其蹂躪即荆湖

北路一帶亦罔弗讐其聲威如帝紀所載至和二年十月下溪州蠻彭仕義內寇詔

湖北路發兵捕之嘉祐元年八月詔湖北招安彭仕義二年四月以彭仕義未降遣

官安撫湖北是也當時名臣大將及沿邊官吏罔不欲藉平仕義以為功試詳徵之

雷簡夫字太簡同州郃陽人康定仁宗年號中知雅州既而辰州蠻酋彭仕義史誤作仕

內寇三司副使李參侍御史朱處約安撫不能定繼命簡夫往至則督諸將進兵築

明溪上下二砦據其險要拓取故地石馬崖五百餘里仕義內附宋史雷簡夫傳

郭達字仲通洛邑人湖北谿蠻彭仕義叛時達為河東鈐轄兼知澧州得蠻親信為

鄉導盡平諸隘遂破其所居桃花州案慈利縣志載縣西有桃花洞宋熙寧中溪州蠻彭仕義反澧州守郭達破之於此又孫秦祚澧州

永順縣志

卷十五

職官志 土司

四

志載桃花洞在永定縣西北旁多桃花宋知州郭達曾於此破彭士義士義即仕義字說也據此二說則其地當在慈永之間特桃花州州字作洞字為是仕義

棄城走眾悉降宋史郭達傳

徐的字公準建安人為荆湖北路轉運使辰州蠻彭仕義史誤作士義為寇的開示恩信

蠻黨悔過自歸宋史徐的傳

魏瓘字羽之為工部侍郎下溪史作谿下同州蠻彭仕義史誤作義叛將發兵討除進瓘龍圖

閣直學士至荆南瓘以五溪之險師行烏道諸將貪功生事於國家何所利因條上

三策以招徠為上柔禦為下攻取為失不報後卒如瓘議宋史魏瓘傳

李肅之字公儀幽州人為湖南轉運使辰陽彭仕義叛討平之宋史李肅之傳

彭思永字季長廬陵人為湖北轉運使下溪蠻彭仕義作亂先移書激罵辰州守守

將討之思永按部適至仕義懼遣使迎謝寢其謀宋史彭思永傳

竇舜卿字希元相州安陽人湖北蠻徭彭仕義史誤作義下同叛舜卿時為鈐轄兼知辰州

請築州城不擾而辦帥師取富州蠻將萬年州據石猗崖舜卿選壯卒奮擊蠻石矢

交下卒蒙盾直前發強弩射萬年州斃於崖下遂拔之左右欲盡剿其衆舜卿不許

曰仕義願內附特爲此輩所脇今死矣何以多殺爲引兵入北江仕義降宋史寶舜卿傳

又案彭仕義本一人列傳中或作士義或作仕義或作士義所傳異詞今並改正又

仕義本下溪州刺史而或稱辰州蠻或稱辰州蠻酋或稱湖北谿蠻或稱湖北蠻徭

者以溪州隸辰州爲荆湖北路故云然非數人也因撮集於此

彭師晏府志誤作師偃縣志從仕義長子永順司宗譜師綵之兄也師綵既弑其父專爲暴虐

師晏殺之並誅其黨納誓表於朝並上仕義平生鞍馬器服仍歸啫溪地乃命師晏襲

州事熙寧五年復以馬皮白崗地來獻詔進爲下溪州刺史賜母妻封邑章惇經制南

北江湖北提點刑獄李平招納師晏誓下州洞蠻張景謂彭德儒向永勝覃文猛覃彥

霸各以其地歸版籍師晏遂降詔修築下溪州城遣師晏詣闕授禮賓副使京東州都

監官其下六十有四人宋史西南溪峒諸蠻傳

案師晏之降在熙寧九年宋史神宗紀云九年正月下溪州刺史彭師晏及天賜州

永順縣志 卷十五 職官志 土司 五

降七月壬戌築下溪州城是也但諸蠻傳方言進師晏爲刺史復言招納師晏胡前

後矛盾至此考孫構傳云構字紹先博平人爲湖北轉運使章惇與南北江蠻事構

諭降懿洽二州納歸附州十四北江酋彭師晏常持向背構知向水酋彭儒武與有

隙檄使攻之師晏降得其下溪州地五溪皆平又陶弼傳云弼字商翁永州人章惇

經制五溪蠻事薦爲辰州遷皇城使降北江彭師晏史作宴○案宋劉學忠肅集載有陶弼墓志云熙寧六年朝廷

遣察訪使處置南江諸蠻舉公知辰州特遷皇城吏奉詔借置北江北江溪州彭師晏

築點難制公用間使其黨爲仇相攻師晏因以衆數千來降弼首領十有九人致闕下

取其地建五城堡據此則師晏嘗叛矣諸蠻傳特未敘清耳

彭師寶仕義次子元祐哲宗六年任永順司宗譜崇寧徽宗中溪州與溱播思費等州叛轉運

判官龐恭孫字德儒武城人誘珍州駱文貴等納土於是溱播溪思費等州相繼降宋史龐恭孫傳

案永順司宗譜載自彭城以下襲任年月歷歷可數然間與正史不符故不盡取師

寶以後史籍無徵勢不能不仍其舊又史言其後有彭仕誠者復爲都督主元祐三

年羅家蠻寇抄召仕誠及都頭覃文懿等至辰州約束之仕誠之名不列於譜因附

誌於此

彭福石寵師寶子紹興高宗年號五年任永順司宗譜

彭安國福石寵子慶元寧宗年號元年任永順司宗譜

案元史成宗紀載元貞二年丁卯以洞蠻彭安國父子討田知州有功賜安國金符子為蠻夷官云云距此近百年知非一人也

元

彭思萬安國子宋寶祐理宗年號三年任永順司宗譜世祖至元十六年內附朝見賜宣命印章授

武德將軍李瑾永順縣志

案元史阿爾哈雅傳云至元十二年阿爾哈雅下江陵傳檄鄂歸峽常德澧隨辰沅靖復均房施荆門及諸洞無不降者又廉希憲傳云阿爾哈雅下江陵帝命希憲鎮之西南諸洞及思播田楊二氏俱越境請降夫所謂諸洞及西南諸洞固不僅屬永順而永順實廁於中意內附在十二年而受職在十六年與又案有彭世彊者其宗

永順縣志 卷十五 職官志 土司

六

譜未載其名不知屬籍與思萬親疏帝紀至元三十年夏四月甲寅永順路彭世彊等九十人及安化州吳再榮等一十三人師壁散毛洞勾答什王等四人各授蠻夷官賜以璽書遣歸

彭勝祖思萬之弟元貞二年任永順司宗譜思萬子替汝勝祖襲

彭萬潛勝祖子至正順帝年號十一年任永順司宗譜自改為永順等處軍民安撫使王鴻緒史彙湖廣土司傳

案元史武宗紀至大三年改永順保靖南渭安撫司為永順等處軍民安撫司與王氏之說小異特識於此

明

彭天寶明史作添保下同萬潛子洪武太祖年號二年任永順司宗譜五年置永順等處宣慰司領州三長

官司六明史永順宣慰司傳○案李氏縣志作洪武三年賜誥命陞永順軍民宜撫使以明史

九年天寶遣其弟義保永順司宗譜等貢方物賜衣幣有差明史永順十二年

奉調征大小鉛廠二十二年調征安福捷聞賜救褒獎李氏縣志

案明史永順宣慰司傳載洪武五年永順宣慰使順德汪倫堂崖安撫使月直遣人上其所有偽夏印詔賜文綺襲衣遂置永順等處軍民宣慰使司隸湖廣都指揮使司所謂順德汪倫不知何許人蓋與宋史所稱田洪贊田思遷皆為親黨之當立者

彭源天寶子永樂成祖年號元年任永順司宗譜

彭仲源子永樂十六年任永順司宗譜十八年奉敕調征巖頭等處李氏志宣德元年宣宗年號禮部

以仲子英朝正後期請罪之帝以遠人不無風濤疾病之阻仍賜予如例明史永順七年

年征大小荷蓬等處有功累加獎勞李氏志

彭世雄字人望仲子正統元年任永順司宗譜○明史亦云正統元年命彭仲子世雄襲職十四年奉調征清浪

復從征交洞途次遘疾其子瑄早故乃命孫顯英代領其衆進剿亦大捷云李氏志

彭顯英字朝傑號正齋世雄孫天順六年襲任永順司宗譜成化元年憲宗年號奉調征廣西大藤

峽遙二年征襄陽流民四年討平四川山都掌大壩寇賊李氏志十三年以征苗功進散

永順縣志 卷十五 職官志 土司 七

官一階仍賜救獎勞明史永順宣慰司傳後致仕營猛崗別墅優游林泉以自適焉永順司宗譜

彭世麒字天祥顯英長子弘治五年襲任永順司宗譜是歲調征施州銀山嶺叛賊六年

調征貴州都勻叛賊李氏志七年貴州奏平苗功貴州巡撫鄧廷讚以世麒與有勞乞陞職

兵部言非例請進階昭勇將軍仍賜救獎從之八年世麟進馬謝恩明史永順宣慰司傳十二

年與保靖宣慰奏邑梅副長官楊勝剛父子謀據酉陽結俊倍洞長楊廣震等號召宋

農後溪諸蠻娶衆殺掠請討之兵部議酉陽溪洞連絡易煽動宜即撲滅請行鎮官酌

機宜明史四川土司傳○案是時保靖宣慰為彭世瑞據保靖上司傳謂弘治十二年永

謂世麒黨於世英法當治但從征湖廣頗効忠勤有旨許其以功贖云云蓋世麒取兩江

副長官之事意者不以私廢公與十四年請征武岡苗寇李氏志又以北邊有警請帥土兵

一萬赴延綏助討賊兵部議不可賜救獎諭並賜奏事人路費鈔千貫免其明年朝覲

以方聽調征賊婦米魯故也明史永順宣慰司傳○案王軾傳云軾於弘治十三年督貴州軍務十五年討平普安賊婦米魯正德宗

號元年以世麒從征有功賜紅織金麒麟服明史永順宣慰司傳○案李吉謂廣西御

魚服色又永順司宗譜載世麒於正德二年致仕弟仕麟襲致五年致仕案明史永順宣
明史世麟祇稱士舍是未為宣慰也故世麟一傳應從節愛
七年書宣慰彭明輔是明輔已襲職也但不載其年月致李氏縣
志書世麒子明輔正德五年任知世麒之致仕斷在是年今補之
十年世麒獻大木親

督運至京明史永順宣慰司傳○案十一年莽山猺襲福全稱王十二年調徵土兵進

討世麒從參議王濟直搗巢穴擒福全等磔諸市湖廣通志南贛都御史王守仁檄稱致仕

宣慰彭世麒素稱儒雅久著勳勞養高林下猶深報國之忱同苦行間復建平猺之責

所過無取求之擾接壤獲安靜之休合行犒賞以勵忠勤授龍虎將軍賜正一品服色

仍管司事縣志十三年復獻大木詔陞都指揮使賞蟒衣三襲仍致仕世麒請立坊

賜名曰表勞明史永順宣慰司傳奇功懋責人皆仰瞻焉李氏縣志

彭明輔字德軒世麒子乾隆通志正德五年任七年隨父世麒征貴州銅仁苗寇秋貴

州香鑪山苗賊叛奉敕率兵征剿李氏縣志河南賊劉惠趙燧反聞官軍至而賊劉三等自

遂平趨東臯明輔以土軍擊敗之捷聞命格外加賞仍賜誥命明史仇越及永順宣慰

德七年都御史彭澤成寧伯仇越討河南賊時參將馮珍戰死賊方張及開澤等且至素憚威名奔逃四出永順宣慰彭明輔敗之潁州諸將神周時源等又敗之光山十

永順縣志 卷十五 職官志 土司 八

二年奉敕克破土堯險寨生擒苗阿旁阿浪等酋解驗李氏縣志十三年以獻大木功授

正三品散官賞飛魚服三襲賜救獎勵仍令鎮巡官宴勞之明史永順宣慰司傳○案

加陞湖廣都司都指揮使正二品進階驃騎將軍賜大紅飛魚服三襲會有保靖兩江口之議詞連明輔主者議逮治明案

史保靖宣慰司傳云正德十四年保靖兩江口土舍彭惠既以祖大蟲可宜與藥哈俾世仇至是與宣慰彭九霄復構怨永順宣慰彭明輔與之連姻助以兵力遂與九霄往復仇

殺數年不息死者五百餘人前後計奏累八十餘章守巡官繫惠於獄明輔率衆劫之去尋復捕繫事聞都御史吳廷舉請以大江之右五寨歸保靖大江之左二寨屬辰州設大

喇巡檢司流官一人主之惠居沱埠以土舍名目協理巡檢事部覆如廷舉言明輔乃令蠻民奏其從征功悉辭香鑪山應得

陞賞以贈逮治之辱部議悉已之明史永順宣慰司傳尋以勞憊乞命長子宗漢任事李氏縣志嘉靖

年號四年廣西田州土官岑猛謀不軌巡撫姚鏞調永順保靖兵討平之明史廣西土司傳六

年論擒岑猛功免應襲宣慰彭宗漢赴京而加宗漢父明輔祖世麒銀幣明史永順宣慰司傳宗

漢卒無嗣令以次子宗舜任事廣西思恩賊叛明輔父子率兵進剿叛賊聞風自降繼

奉尙書新建伯王守仁檄破牛腸寨俘獲解驗後宗舜卒子幼奉敕明輔仍復署政率

孫翼雲翼南先後累建大功疊蒙敕諭李氏縣志

彭宗漢號石橋明輔長子以擒岑猛功兵部獎以竭忠奮勇擒斬首惡其功可嘉等語順永

司宗譜

彭宗舜號中軒明輔次子廣西思恩賊叛奉檄征南寧又征潯州累功昭勇將軍李氏嘉

靖十五年巡撫翟瓚調征寧鄉寇平之通志二十二年領兵防守篁子坪苗苗防備覽

彭翼南字晉卿號北江宗舜子嘉靖三十三年任永順司宗譜冬奉調與保靖兵協剿倭賊於

蘇松大戰王江涇敗之總督胡宗憲獎諭有永順宣慰彭翼南等謀勇兼全功勳大著

仰各收兵俱赴嘉興聽候宴賞等語又諭云叢爾倭夷連年內侵東南要區屢遭屠戮

彭翼南聞調遠赴亟動勤王之念竭力效命用成奏凱之功元凶就戮餘孽悉平功勞

懋著良可嘉尚又工部尚書趙文華與總督會題彭翼南集難馭之苗冒長江之險為

皇敵愾捐軀報國宜加獎勵以勵忠勤永順司宗譜李氏縣志時邀功者方行賞翼南遂授昭毅

將軍已陞右參政管宣慰事與明輔俱授銀幣之賜四十二年以獻大木功再論賞加

明輔都指揮使賜蟒衣其孫掌宣慰使司翼南為右布政司使賜飛魚服仍賜敕獎勵

永順縣志 卷十五 職官志 土司 九

四十四年復獻大木詔加明輔翼南二品服明史永順宣慰司傳○案明史於其孫孫

布政司使譜作雲南布政使司參政應以明史為是

彭永年字汝訓號懷北翼南子隆慶穆宗三年任萬曆神宗元年湖廣廣西兩巡撫同調

永年兵勦廣西猺寇大破巢穴廣西巡撫諭云永順宣慰彭永年身能馭眾志切奉公

號令嚴肅貌貅用命唐山之克敵獨先天有之收功亦偉又廣西直指使檄云永順宣

慰彭永年世篤忠勤躬先士卒領征懷遠斬獲功多峻嶺衝鋒已著犁庭之績諫冲奏

凱旋成破竹之功西賊寒心羣酋受首除疏陳外理應優獎永順司宗譜六年雲峯妖賊賈

邦奇遣其黨楊時貢傳送大乾啓運圖至司永年奮然擒解奉敕進驃騎將軍特加正

一品服色李氏縣志○案乾隆湖南通志永年以征廣西猺及禽妖賊金

彭元錦字兩懷號衷白永年子萬曆十五年任永順司宗譜嘗助其弟保靖土司象坤與酉陽

冉御龍相讐殺辰州守瞿汝稷馳檄元錦解兵去三土司皆安明史瞿景淳傳○案保

慰彭象乾此言象坤當是其弟史應言元錦嘗助保靖土司彭養正惡長子象乾愛庶子象坤而

事最清者莫如唐氏縣志沿革篇其言曰保靖土司彭養正惡長子象乾愛庶子象坤而

西陽土司冉御龍故與永順土司彭元錦有隙象乾者御龍之甥也元錦乘養正死以兵逐象乾欲以報御龍知辰州羅汝稷偵知之先期馳檄開諭元錦解兵去三土司皆安云似屬不謬但其語不詳於正史故分注於斯

二十五年東事棘清兵內犯遼東調永順兵萬人赴援元錦請自備衣糧聽調既而支吾有要挾之迹命罷之二十八年賜元錦都指揮銜給蟒衣一襲妻汪氏封夫人四十八年進都督簽事明史永順宜慰司傳

清

彭弘澍字海若號潛立元錦孫父廷機早卒弘澍於明崇禎莊烈帝五年弘光福王元年

敕授總兵關防隆武唐王二年永曆桂王元年均奉敕晉階宮保永順司清順治世祖年

四年寧南大將軍恭順王臨辰弘澍遣人獻輿圖冊歸命投誠張氏府志○案寧南大

兵克復辰州土司彭弘澍籍所司三州六司三百八十洞戶口以降又李氏縣志云宜慰使彭弘澍同長子肇桓率領舍把並所轄三知州六長官五十八族三百八十洞苗蠻軍

民人等八年高李郝黨盤踞境內弘澍簡兵擊之賊宵遁十三年大將軍阿固山額真

卓經略洪承疇會題永順久經投誠請鑄給印信十四年加太保賞坐蟒貂帽靴襪等

物領順字號永順等處軍民宣慰使司印一顆以示恩賚府志○案永順司宗譜云順

永順縣志

卷十五

職官志 土司

十

信一知及所轄驢遲臘惹麥着黃田家施溶白崖等六洞長官司印六顆其上溪南渭施溶三顆州及經歷文職印信候吏部題請另給又蒙賜正一品服貂蟒弓馬太子太保左都督長男 廕錦表職

彭肇桓字維垣弘澍長子順治十八年任無嗣永順司

彭肇相字燮元弘澍次子康熙聖祖三年任李氏亦無嗣以廷機弟廷椿襲府志○案譜

從弟府初肇相嗣位未幾為族人廷榆所奪保靖司救之得復位保靖司家乘或永之

志誤彭肇相嗣位未幾為族人廷榆所奪保靖司救之得復位家難世代頻仍延及

彭廷椿號梁卿元錦弟元鉦子康熙十二年任李氏初允殖不詳立不以次廷椿父子遠

避桑植不數月允殖死土司舍把乃迎之以歸值吳三桂叛盤踞荆湖及大兵臨楚廷

椿父子首倡投誠並繳宣慰經歷偽劄二紙偽印二顆及獻雷公嘴鐵廠等處地率領

苗土勁兵三千自裹餼糧駐紮王村距賊上游由高望界抵辰州府事聞頒給康字號

永順等處軍民宣慰印一顆後因朝廷營建太和殿助採大木運交辰州府加十級府

志

彭弘海字中涵廷椿子康熙三十四年任能撫恤苗土附近邊人多歸之外來客旅亦加

禮待一時稱為賢司云李氏誌誥授太子太保致仕詳藝文志金

彭肇槐字公瞻弘海子康熙五十年任雍正世宗五年保靖土司彭御彬骨肉相殘桑植

土司向國棟暴虐不仁均改土歸流時鎮守總兵楊凱為桑植副將帶兵彈壓保靖道

經永順肇槐懼請獻土凱嘉之肇槐遂率子景煌投誠辰沅靖道王柔晉京面奏肇槐

情願改土歸流因授為參將即於新設流官地方補用並賜以拖沙喇哈番世職尋以

肇槐才具平庸不諳兵法賞銀萬兩俾歸江西祖籍故其後仍為吉水人府縣志

案彭氏自五季來世有此土肇槐雖愚詎肯以八百年世澤及身而斬之理夫清自

入關後有明土宇悉隸版章而雲貴川廣諸土司亦皆歸流內銓雍正五年諭云向

楚省各土司僻在邊隅肆為不法擾害地方剽掠行旅且彼等互相仇殺爭奪不休而

於所轄苗蠻尤復任意殘害草菅人命罪惡多端不可悉數是以朕命各省督撫悉心

籌畫可否令其改土歸流共遵王化此朕念邊地窮民皆赤子欲令永除困苦咸樂

安至非以煙瘴荒陋之區尚有土地人民之可利因之開拓疆宇增益版圖而為此舉

也今幸承平日久國家聲教遠敷而任事大臣又能宣布朕意勸撫兼施所任土司俱

已望風歸向並未重煩兵力而願為內屬者數省皆然自此土司所屬之夷民即我內

永順縣志

卷十五

職官志

土司

十一

地之編氓土司所轄之頭目即我內地之黎獻民胞物與一視同仁所當加意無綏安

輯使人人得其所共登衽席而後可副朕懷也○案土官底簿載雲南土司百五十一家

貴州土司一十五家四川土司二十家廣西土司百六十七家附近如保靖五年桑植

改土四年酉陽康熙十五年容美散毛施南均雍正六年諸司皆已張官置吏永順以黑子彈丸

之地顧能歷久不做乎蓋開疆拓土原為世宗本心又有楊凱王柔等逢迎之案

南儀徵武進士苗防備覽云雍正五年辰州副將楊凱領兵關桑植司時水順彭肇槐

內響凱諭以改土歸流據此則改土非肇槐本心明矣王柔字東牟山東福山貢生時

為辰沅靖道肇槐於此雖欲不歸流不可推其意以為負固不服必遭滅族之厄似不若

掩耳盜鈴尚得恭順虛譽也而况有世襲微職乎雍正六年二月諭云永順土司彭

輯土民遵守法度甚屬可嘉據湖廣督撫等奏稱肇槐情願改土為流吏土人同沾

王化朕意本不欲從其所請又據辰沅靖道王柔面奏肇槐情願改土為流吏土人同沾

切朕念該土司既具嚮化誠心不忍拒卻特沛殊恩以示優眷彭肇槐一萬兩聽其在江

於新設流官地方補用並賜以拖沙喇哈番之職世襲罔替再賞銀一萬兩聽其在江

西祖籍地方立產安插俾其子孫永遠得所○十一月諭云肇槐情願改土為流吏土人同沾

撫輯土民遵守法度與京引見朕詳悉詢問王柔面奏肇槐情願改土為流吏土人同沾

適因辰沅靖道王柔來京引見朕詳悉詢問王柔面奏肇槐情願改土為流吏土人同沾

有萬不得已之情朕因王柔深知永順土司情形故勉從所請加以特恩賜以世職並

賞給萬金為立產安居之費又據王柔奏稱彭肇槐撫綏苗衆素得其心懇請授以世職並

職即於新設流官地方補用管轄苗人實有裨益等語朕亦准王柔之請將彭槐授為苗疆參將此皆今年春間事也今據王柔摺奏臣歷桑植永順地方駐劄數月見彭槐才具平庸性耽安逸且不諳兵法紀律若仍留彼地恐致營務廢弛不若將彭槐移於內地隸督撫提鎮標下暫為借補俾其學習軍政但臣先經冒奏今理合檢舉等語朕從前之允彭槐改土為流復授為苗疆參將者皆因王柔之奏以為彭槐有所見故從其請也今王柔又稱彭槐不宜苗疆之任請改內地武職朕思武弁職難王柔此奏既前來倘以不能供職而罷處分朕心實為不忍而國法又不可廢豈非兩難王柔必改土為流始為嚮化若從朕本念仍舊復其土官為國家抒誠效力以受朕巡撫王國棟會同辰沅靖道王柔將朕意明白宣示彭槐備悉詢問伊原係恭順之士司豈必改土為流始為嚮化若從朕本念仍舊復其土官為國家抒誠效力以受朕恩朕亦嘉悅倘伊意必欲故土為流亦著該督無詢問伊自度才力可居何等武職不妨據實陳奏朕另調用或伊願回江西祖籍閒居則給與世職俸祿以贍養之務期妥協俾該土司永承國家渥澤

又案永順司宗譜載其歷世皆有諡號如允林諡忠武允殊諡忠簡文勇諡忠彥儒猛諡忠穆仕義諡忠獻師宴諡忠勇福石寵諡忠樸安

國諡忠弼思萬諡忠億勝祖諡忠襄萬潛諡忠靖天寶諡忠烈源諡忠順仲諡忠誠

世雄諡忠勤瑄諡孝思顯英諡忠肅世麒諡忠毅世麟諡忠貞明輔諡忠敬宗舜諡

忠莊翼南諡忠貴永年諡忠敏又有見他書者如元錦諡忠顯弘澍諡忠宣肇桓諡

忠勳肇相諡忠惠之類皆彭氏子孫私自追尊其祖考也不足以傳世故附誌于篇

永順縣志 卷十五

職官志 土司 土知州 十二

末

○土知州

案宋史西南溪峒諸蠻傳彭氏自置二十餘州曰上中下溪州三又有龍州諸蠻自辰州遠於長沙邵陽各有溪峒曰敘曰峽曰中勝曰元則舒氏已詳言之至南

○南渭州土知州

宋史作謂州一作涇州一

覃允贊五代時知謂州軍州事銅柱記

彭思聰宋哲宗時知謂州元祐三年與知誓下保順州彭儒武知永順州彭儒同知龍賜

州彭允宗知藍州彭士明知吉州彭儒崇等各同其州押案副使進奉輿龍節及冬至

正旦溪布有差宋史西南溪峒諸蠻傳

彭萬金元新添葛蠻安撫使明洪武三年偕子金勝隨永順總司內附改陞南渭州知州

世隸永司南渭州譜

彭金勝萬金子襲奉給羽字二十七號印信一顆南謂州譜

彭什才金勝子永樂十年襲宣慰司志下同

彭恕律可宜什才子未任

彭始主俾恕律可宜長子未任

彭清恕律可宜次子景泰二年襲任

彭惹即送清長子未任

彭定清次子弘治六年襲任

彭慨主俾定子未任

彭良臣慨主俾子襲任

彭章良臣子襲任

案自什才以下均無事蹟可收故僅錄其世系如右

彭世忠章子襲任時永順邊郵歷受保患宣慰使彭元錦謀禦之而難其人世忠以策進

永順縣志 卷十五 職官志 土知州 十三

曰制敵取勝貴謀賤戰方今壁壘相望勝負未分此正用奇之時也蓋以先人敝廬效

楚王一炬以驚之乎乃夜縱火大噪保兵倉皇失措大潰世忠率兵追之趨渡信平直

抵保城克之俘獲甚衆此萬曆三十年事也南謂州譜下同

彭正字端人世忠子襲任不壽故

彭應麒字瑞生正長子崇禎間襲任清順治四年丁亥王馬二賊來攻司境宣慰彭弘澍

遣應麒率兵赴龍潭岩力坡等處防堵賊衆猖獗斬柵奪隘進至施溶州大肆燒殺應

麒力戰斬首百餘級旋以衆寡不敵陳亡

彭應麟正次子襲任丁亥冬清兵臨辰州隨總司投誠寧南大將軍恭順王降諭嘉尙十

三年寧南靖寇大將軍阿固山額真卓經略閣部洪承疇合疏題請鑄給印信部議係

文職俟大定後另行鑄給僅賞袍帽焉

彭凌高字雲鵬應麒子康熙十三年襲任宣慰彭肇相無嗣有逆奴田節兒者冒宗爭襲

其黨彭尙選等附之嗣宣慰彭廷椿潛遁上尙以避其鋒是時人情汹汹莫知所屬凌

高乃明大義以討亂黨並迎廷椿歸司十五年冬逆黨復來自辰水陸交侵凌高躬擐甲胄與義旗旗長彭世貴往擊遇賊於茅坡躍馬奮呼大破之十九年吳三桂盤踞辰龍關綏遠將軍總督蔡寧南靜寇將軍多羅貝勒檄宣慰彭廷椿徂征凌高率子宗國從攻開辰龍關二十四年奉調剿紅苗從總兵郭忠孝攻克天心寨三十八年從參將朱絨攻克猴兒屯四十二年從宣慰彭弘海征苗直抵崇山衛以遏苗之後路苗窮蹙乃降

凌高有遺令一篇纏纏數千言不能具錄茲節取其前後之語竊聞福善禍淫其道不爽貽謀守業修德能長彼忠勤事上夷險不失其操孝友傳家親愛當追天本謙以處功順以應變此非德之盛與余自三十臨戎今六十有八矣一生涉歷無非艱險或衝鋒破銳血戰征衣或宿露餐風天寒劍折窮猿悲鳥時共予以棲遲孤月嚴寒每弔予之形影居今日而思曩時直有寢驚而夢愕守者余豈不思樂先生自問願難得其履險蹈危乎蓋於吾曾祖之忠勤得其誠於吾祖母之操守得其真於吾先君之問願難得其履險蹈忠義激於心而身軀有所不顧也余聞古人有馬伏波者年已老耄尚據鞍顧盼示其可用余竊慕之師之有郭汾陽者能保其功業以及子孫余亦慕之師之有今得無以固陋之身而身被異數顯超先達及今使君嗣世恩禮尤厚然則兩代親寵有加無已非先恭人之堂慈訓何以及茲耶昔人有云鞠躬盡瘁死而後已此忠之至也又曰謙受益滿招損此持盈之意也余於二者雖不盡然常以此自惕焉今當垂暮余知免夫還冀爾曹異日孝友以敦家庭忠勤以事公府謹守世業俾衛邊隅雖治亂無常悉以祖宗為法庶得慶衍靡窮余願足矣勉之哉

永順縣志 卷十五

職官志 土知州

十四

彭宗國字柱臣凌高子康熙十九年同父凌高隨宣慰攻克辰龍關蒙勒貝將軍等賞給袍帽旋師襲任後復以剿苗功宣慰授以凱旗旗長並總理司政南渭譜雍正五年隨宣

慰納土唐氏縣志

○施溶州土知州宋曰溶州元曰會溪施容等處明曰施溶州清初同今為施溶保

彭□□五代時人銀青光祿大夫檢校國子祭酒知溶州軍州事兼監察御史武騎尉銅柱

名記題

案是時又有溶州都監彭仕明以其非知州也故附志之

彭仕端宗仁宗時溪州刺史彭儒猛次子也初儒猛長子仕漢為亂仕端殺之朝廷嘉其忠降詔獎諭以為檢校國子祭酒知溶州加賜鹽三百斤綵三十匹宋史諸傳後知下溪州餘事已具土司傳

田萬頃元世祖時為白崖洞主至元二十一年萬頃擒上溪柿溪兩洞主以獻詔下諸洞立為一府九州分隸四川湖廣兩省白崖洞陞為施溶州以萬頃知州事後叛辰州志成

宗命衡州行樞密院副使劉國傑進攻拔施溶擒萬頃斬之元史劉國傑傳

田健霸元泊崖安撫使明洪武三年內附陞授施溶州知州宣慰司志

田金隆健霸子襲任宣慰司志下同

田建賢金隆子襲任

田旺建賢子襲任

田廣旺之孫父潤未任卒廣襲

田貴廣長子襲任

田榮廣次子襲任

田萬年榮子襲任

田可多萬年子襲任

田稔可多子襲任

田茂年稔長子順治四年同宣慰使投誠李氏縣志下同

永順縣志 卷十五 職官志 土知州 十五

田茂禧稔次子襲任

田永豐茂禧子雍正五年隨宣慰使納土唐氏縣志

○上溪州土知州府志謂內龍爪保麻陽坪及龍山縣境

彭文慶宋真宗時刺史咸平三年入貢宋史諸蠻傳

彭師寶仁宗景祐中知忠順州數自訴請知上溪皇祐二年始從其請宋史諸蠻傳

張義保土名張麥且踵明洪武三年內附宣慰司志下同

張友謙義保子永樂十五年襲任

張安友謙子襲任

張信安子正統十四年襲任

張宗保信之孫父必華未任卒宗保襲

張大本宗保子襲任

張良輔大本子襲任

張鳳來良輔子襲任

張之本鳳來子順治四年隨宣慰使投誠李氏縣志下同

張漢卿之本長子襲任

張漢儒之本次子襲任雍正五年隨宣慰使納土唐氏縣志沿革篇

土長官

○臆元作惹洞長官司今為下柳保地

向孛爍元洞民總管宜慰司志下同

向士貴孛爍子明洪武三年內附改陞長官

向順士貴子宣德元年襲任

案明史湖廣土司傳載宣宗時總兵官蕭綬奏酉陽宋農里石提洞軍民被臆惹洞長謀古賞等連年攻劫又及後溪招之不從乞調兵勦之謀古賞等懼願罰人馬續罪乃罷兵謀古賞事當在順為長官時但不知居何等職位抑為順之別名與

永順縣志

卷十五

職官志 土長官

十六

向忠順長子正統三年襲任

向源順次子成化元年襲任

向勝祖源子成化十二年襲任

向世龍勝祖子襲任

向鑾世龍子襲任

向本良鑾子襲任

向九能本良子襲任

向仕朝九能子襲任順治四年同宣慰使投誠李氏縣志下同

向中泰仕朝長子襲任

向中和仕朝次子襲任雍正五年隨宣慰使納土唐氏縣志沿革篇

○麥着洞長官司今為王家保地

黃麥和踵元洞民總管宜慰司志下同

黃答谷踵麥和踵子襲任明洪武三年內附改爲長官司

黃大洛踵答谷踵子襲任

黃珍大洛踵子成化十四年襲任

黃先珍子正統十四年襲任

案正統係英宗年號在憲宗成化前以上二人襲任年月顛倒措亂必有一誤且後襲任者亦書成化十四年殊屬可疑今姑仍舊以俟知者

黃勝先子成化十四年襲任

黃金勝孫父敬祖未任卒金襲

黃廷正金子襲任

黃相廷正次子兄臣未任宰相襲

黃世忠相子襲任

黃甲世忠子襲任順治四年同宣慰使投誠

李氏縣志

永順縣志

卷十五

職官志 土長官

十七

黃詔陞甲子順治十五年襲任

李氏縣志

康熙中宣慰彭肇相無嗣而七房孫允殖爭襲授中

軍家政王宗聖掌案彭尙選并授南渭州知州彭凌高以閤司戎務凌高佯諾之及尙

選等兵至凌高率詔陞及辰旗旗長向亨等拒之逆兵大敗

南渭州譜

黃正乾詔陞子雍正五年隨宣慰使納土

唐氏縣志沿革篇

○驢遲洞長官司

今上榔保地

向達迪元洞民總管

宣慰司志下同

向爾莫踵達迪子襲任明洪武三年內附改陞長官

向敬爾莫踵孫父達未任卒敬於正德十四年襲任

向麥帖送敬弟襲任

向安麥帖送子成化元年襲任

向忠安子成化十九年襲任

向陽忠子襲任

向承勳陽子襲任

向天麒承勳子襲任

向世臣天麒子襲任

向光胄世臣子襲任順治四年同宣慰使投誠李氏縣志

向錫爵光胄孫父國屏未任卒錫爵襲李氏縣志雍正五年隨宣慰使納土唐氏縣志沿革篇

○施溶溪長官司今施溶保施溶溪地

汪良元會溪施溶等處巡檢明洪武三年改陞施溶溪長官司宣慰司志下同

汪通良子襲任

汪彪通長子襲任

汪隆通次子襲任

汪忠隆子襲任

汪相忠孫父勝霖未任卒相襲

永順縣志 卷十五 職官志 土長官

十八

汪汝海相子襲任

汪一龍汝海子襲任

汪源清一龍子襲任

汪世忠源清子襲任順治四年同宣慰使投誠李氏縣志下同

汪國仕世忠子襲任

汪文珂國仕子襲任雍正五年隨宣慰使納土唐氏縣志沿革篇

○白崖洞長官司今屬龍山

張那律元洞民總管明洪武三年內附陞長官司宣慰司志下同

張海砂那律子襲任

張吉和海砂子襲任

張麥依吉和子襲任

張繼忠麥依子襲任

張世業繼忠子襲任

張大才世業子襲任

張四維大才長子襲任

張四教大才次子襲任順治四年同宣慰使投誠李氏縣志下同

張應斗四教子襲任

張宗畧應斗子襲任雍正五年隨宣慰使納土唐氏縣志沿革篇

○田家洞長官司今田家保地

田勝祖元洞民總管明洪武三年內附陞長官司宣慰司志下同

田麥依送勝祖子襲任

田麥和送麥依送子襲任

田勝麥和送子襲任

田麥答送勝子襲任

永順縣志 卷十五

職官志 土長官

十九

田疇麥答送子襲任

田梭亞只疇子襲任

田有旺梭亞只長子襲任

田有成梭亞只次子襲任

田德有成子襲任

田興邦德長子襲任

田興祿德次子襲任順治四年隨宣慰使投誠李氏縣志下同

田晉玉興祿子襲任

田蓋臣晉玉子襲任雍正五年隨宣慰使納土唐氏縣志沿革編

案王伯麟永順縣志載有案語一則頗覺詳明茲錄於下其言曰麟案土司舊志三州六司先明各設土職知州長官給以印信並設流官吏目及土吏目一名頭目洞老十名隸兵八名正德間始裁吏目國朝仍為三州六司每司有土百餘里分地子

民而統轄於總司宣慰使亦猶內地之郡縣也改土後乃分隸於永龍兩縣
又案老司城有宣慰使彭弘海德政碑係康熙五十二年立其碑陰所書當時三知
州六長官名除白崖洞張宗略餘均與府縣志不同茲特錄之以備參攷碑載南渭
州彭啓堯施溶州田應朝上溪州張宗文臘惹洞向宗國麥着黃洞黃朝勛驢遲洞
向鼎鉉施溶溪汪澤長田家洞田萬勝攷彭啓堯爲彭宗國子據其家譜所載謂已
授州事何以納土時尙書宗國名乎至於馬羅洞雖不在六長官之列然在土司時
並未替其世職惜書闕有間無由詳攷僅此碑陰尙記有田暹田繼善二人云

永順縣志

卷十五

職官志 土長官

二十

